



Broj: 16-12-16-3004- 9 /17
I. Sarajevo, Oh. Of 2017. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12) i člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), na preporuku Komisije I za nabavke za potrebe Državne agencije za istrage i zaštitu u 2017. godini, broj 16-12-16-3004/17 od 27.06.2017. godine, u postupku javne nabavke usluga štampanja propisanih evidencija za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijih ponuđača po Konkurentskom zahtjevu za dostavljanje ponuda za javnu nabavku usluga štampanja propisanih evidencija za potrebe Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2017. godini broj 16-12-16-3004/17 od 27.06.2017. godine i okvirni sporazum za javnu nabavku usluga štampanja propisanih evidencija za potrebe Državne agencije za istrage i zaštitu za period od tri godine, zaključuje se sa ponuđačima:

- „SVJETLOST BH PRINT“ d.o.o. Sarajevo, ponuda broj 16-12-16-3004-7/17 od 29.05.2017. godine, za ponudenu cijenu 14.173,50 KM bez PDV-a;
- „ERMEX“ d.o.o. I. Sarajevo, ponuda broj 16-12-16-3004-5/17 od 29.05.2017. godine, za ponudenu cijenu 16.589,90 KM bez PDV-a;
- „COMPEX“ d.o.o. Banja Luka, ponuda broj 16-12-16-3004-3/17 od 29.05.2017. godine, za ponudenu cijenu 18.462,00 KM bez PDV-a;
- „PRIMAPROM“ d.o.o. Banja Luka, ponuda broj 16-12-16-3004-4/17 od 29.05.2017. godine, za ponudenu cijenu 18.975,00 KM bez PDV-a.

Član 2.

Ponuđači iz člana 1. ove odluke obavezni su ugovornom organu, u roku od pet dana od dana prijema ove odluke, dostaviti dokaz o ispunjavanju uslova iz tačke 3.1.1. dok su ponuđači „SVJETLOST BH PRINT“ d.o.o. Sarajevo i „PRIMAPROM“ d.o.o. Banja Luka,

pored dokaza iz tačke 3.1.1. dužni dostaviti i dokaz iz tačke 3.1.3. Konkurentskog zahtjeva (original ili ovjerena kopija).

Član 3.

Prijedlog okvirnog sporazuma dostaviti će se na potpis izabranim ponuđačima, po proteku roka od 10 dana, računajući od dana od kada su svi ponuđači obaviješteni o izboru najpovoljnije ponude.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka objaviti će se na web stranici Državne agencije za istrage i zaštitu, istovremeno sa upućivanjem ponuđačima koji su učestvovali u postupku javne nabavke.

Član 6.

Ova odluka stupa na snagu danom donošenja.

O b r a z l o ž e n j e

Odlukom direktora Državne agencije za istrage i zaštitu (u daljem tekstu: Agencija) broj 16-12-16-3004-1/17 od 26.04.2017. godine pokrenut je postupak javne nabavke usluga štampanja propisanih evidencija za potrebe Agencije, za period od tri godine, putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-2-337-3-29/17 od 17.05.2017. godine. Procijenjena vrijednost javne nabavke je 18.000,00 KM bez PDV-a, a za što su novčana sredstva obezbjeđena u okviru budžetskih sredstava za 2017. godinu i Dokumenta okvirnog budžeta 2017.-2019. godina.

Komisija I za nabavke za potrebe Agencije u 2017. godini (u daljem tekstu: Komisija) dostavila je Izvještaj o radu broj 16-12-16-3004/17 od 27.06.2017. godine sa preporukom o zaključivanju okvirnog sporazuma u postupku javne nabavke usluga štampanja propisanih evidencija za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 29.05.2017. godine do 13,00 sati, te da se ponude dostavljaju u zatvorenoj koverti, Komisija je dana 29.05.2017. godine u 14,00 sati izvršila javno otvaranje ponuda prema datumu i vremenu prijema.

Blagovremeno je dostavljeno ukupno pet ponuda i to:

Redni broj.	Naziv ponuđača	Vrijednost ponude (bez PDV-a)
1.	„COMPEX“ d.o.o. Banja Luka	18.462,00 KM
2.	„PRIMAPROM“ d.o.o. Banja Luka	18.975,00 KM
3.	„TMP“ d.o.o. Sarajevo	26.872,50 KM
4.	„ERMEX“ d.o.o. I. Sarajevo	16.589,90 KM
5.	„SVJETLOST BH PRINT“ d.o.o. Sarajevo	14.173,50 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik BiH“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz ponude, a u cilju ocjenjivanja ponuđača, te njihove kvalifikovanosti shodno uslovima navedenim u Konkurentskom zahtjevu.

Uvidom u sadržaj dostavljenih ponuda Komisija je utvrdila da ponuđači „COMPEX“ d.o.o. Banja Luka, „PRIMAPROM“ d.o.o. Banja Luka, „TMP“ d.o.o. Sarajevo, „ERMEX“ d.o.o. I. Sarajevo i „SVJETLOST BH PRINT“ d.o.o. Sarajevo ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti. Komisija je utvrdila da navedeni ponuđači ispunjavaju i formalno-pravne uslove iz Konkurentskog zahtjeva.

Također, uvidom u sadržaj dostavljenih ponuda, Komisija je utvrdila da su svi navedeni ponuđači dostavili potvrdu o primjeni preferencijalnog tretmana domaćeg, odnosno da svi uživaju preferencijalni tretman domaćeg.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene iz tačke 8. Konkurentskog zahtjeva, i sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj.	Naziv ponuđača	Vrijednost ponude (bez PDV-a)
1.	„SVJETLOST BH PRINT“ d.o.o. Sarajevo	14.173,50 KM
2.	„ERMEX“ d.o.o. I. Sarajevo	16.589,90 KM
3.	„COMPEX“ d.o.o. Banja Luka	18.462,00 KM
4.	„PRIMAPROM“ d.o.o. Banja Luka	18.975,00 KM
5.	„TMP“ d.o.o. Sarajevo	26.872,50 KM

Nakon sačinjavanja rang liste ocijenjenih ponuda Komisija je konstatovala da ukupna ponuda ponuđača „SVJETLOST BH PRINT“ d.o.o. Sarajevo i „ERMEX“ d.o.o. I. Sarajevo ne premašuje procijenjenu vrijednost javne nabavke. Također, Komisija je konstatovala da ukupna ponuda ponuđača „COMPEX“ d.o.o. Banja Luka u iznosu od 18.462,00 KM bez PDV-a, premašuje procijenjenu vrijednost javne nabavke za cca. 2,56 %, ukupna ponuda ponuđača „PRIMAPROM“ d.o.o. Banja Luka u iznosu od 18.975,00 KM bez PDV-a, premašuje procijenjenu vrijednost javne nabavke za cca. 5,41 % i da ukupna ponuda ponuđača „TMP“ d.o.o. Sarajevo u iznosu od 26.872,50 KM bez PDV-a, premašuje procijenjenu vrijednost javne nabavke za cca. 49,30 %.

Uzimajući u obzir da je Zakonom i Konkurentskim zahtjevom određeno da se okvirni sporazum zaključuje sa više ponuđača za isti predmet nabavke i da broj ponuđača s kojima se zaključuje okvirni sporazum ne može biti manji od tri, pod uslovom da postoji dovoljan broj ponuđača, Komisija je aktom broj 16-12-16-3004/17 od 19.06.2017. godine od strane Sektora za materijalno-finansijske poslove, tražila mišljenje po pitanju obezbjeđenja dodatnih novčanih sredstava kako bi Komisija dala preporuku za zaključenje okvirnog sporazuma. Sektor za materijalno-finansijske poslove aktom broj 16-12-16-3004/17 od 20.06.2017. godine, dostavio je Komisiji informaciju da je u budžetu Agencije moguće obezbjeđiti dodatna sredstva za prekoračenja procijenjene vrijednosti za ponudu ponuđača „COMPEX“ d.o.o. Banja Luka i „PRIMAPROM“ d.o.o. Banja Luka, jer prekoračenje nije značajno, dok je prekoračenje procijenjene vrijednosti kod ponude ponuđača „TMP“ d.o.o. Sarajevo značajno, odnosno cijena njegove ponude je znatno veća od tržišne, te da nije moguće u budžetu Agencije obezbjeđiti dodatna novčana sredstva u tako velikom procentu.

Nakon provedenog postupka ocjenjivanja dostavljenih ponuda, Komisija je utvrdila da su ponude ponuđača „SVJETLOST BH PRINT“ d.o.o. Sarajevo, „ERMEX“ d.o.o. I. Sarajevo, „COMPEX“ d.o.o. Banja Luka i „PRIMAPROM“ d.o.o. Banja Luka prihvatljive.

Shodno navedenom, prihvaćen je prijedlog Komisije i odlučeno da se okvirni sporazum za pružanje usluga štampanja propisanih evidencija za potrebe Agencije zaključi sa ponuđačima „SVJETLOST BH PRINT“ d.o.o. Sarajevo, „ERMEX“ d.o.o. I. Sarajevo, „COMPEX“ d.o.o. Banja Luka i „PRIMAPROM“ d.o.o. Banja Luka, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđaču 5x,
- Sektoru za mat.-fin. poslove,
- a/a.

